



---

Služba za saobraćaj, stambeno-komunalne poslove i građenje

OPĆINSKO VIJEĆE ILIJAŠ

**Odgovori na vijećnička pitanja i inicijative sa 11. sjednice Općinskog vijeća Ilijaš  
održane dana 20.07.2017.godine**

Ilijaš: Septembar 2017.godine

\*\*\*\*\*

Općina Ilijaš, ulica 126. Ilijaške brigade br. 6., 71380 Ilijaš  
tel. (+387 33) 580-620, 580-633, fax. 400-505, e-mail o\_ilijas@bih.net.ba  
Služba za saobraćaj, stambeno-komunalne poslove i građenje  
tel. (+387 33) 580-672, 580-669



Broj certifikata: CR14625Q

ALMIR ŠPIODIĆ – vijećnik BPS-Sefer Halilović

Pitanje: "S obzirom da su u toku radovi na izgradnji "BIZNIS FORUM CENTRA" u sklopu KSC-a, postavlja se pitanje da li će se vršiti rekonstrukcija prostora ispred KSC-a, odnosno pločnika koji je u lošem stanju i kao takav se ne uklapa u okruženje i ambijent koji ga okružuje".

Odgovor: Operativnim planom Općinskog Načelnika i Službi za upravu općine Ilijaš za 2017. godinu, nije planirana rekonstrukcija prostora ispred KSC-a. Navedeno pitanje Služba će uzeti u razmatranje prilikom izrade prijedloga Budžeta za 2018. godinu.

ADEM ALIĆ – vijećnik SDA

Pitanje: "Zašto Direkcija za puteve KS nije realizovala Projekat "Horizontalne i vertikalne signalizacije" na području naše Općine, odnosno na putu Ilijaš-Mrakovo-Salkanov Han-Popovići u dužini od 4,5km na prostoru MZ Mrakovo, iako je obezbijeđen projekat već duži niz godina.

Obrazloženje: Više puta su vijećnici OV Ilijaš postavljali navedeno pitanje u ranijim sazivima, evo i sada što se može vidjeti iz zapisnika OV Ilijaš. Nikada se ozbiljnije nije pristupalo navedenoj problematici iako je bilo potrebno, jer problem postoji i u drugim MZ općine Ilijaš. Na navedenom putu su često saobraćajni udesi sa smrtnim ishodom i policijskim organima je prepreka jer ne mogu kvalitetno zadokumentovati predmet itd. Navedene informacije su provjerene i u sjedištu direkcije.

Zaključak: Da odmah Direkcija za puteve KS uzme u prioritet realizaciju navedenog projekta sa svim sadržajima koji su neophodni za ovu vrstu puta gdje se odvija javni saobraćaj i gdje je povećan broj m/v za 300%".

Odgovor: Pitanje je dostavljeno Direkciji za puteve Kantona Sarajevo.

AKIF BEŠLIJA – vijećnik SBB BiH Ilijaš

Shodno inicijativi pokrenutoj na prošloj sjednici, a u vezi dionice puta od mosta i skretanja za Vratušu pa sve do Polomske ulice u Podlugovima, te odgovorom koji ste mi dostavili molim nadležnu općinsku Službu da mi dostavi sljedeće odgovore:

1. Da li nadležna općinska služba od novembra 2016. godine pa do juna 2017. godine izlazila na teren da utvrdi činjenično stanje na pomenutoj dionici?
2. Da se dostave svi Zaključci koji su dogovoreni na sastanku sa predstavnicima BH Telekomu.
3. Da li je urbanističko-građevinski inspektor obzirom da je ova dionica puta u vrlo teškoj situaciji bio na terenu u periodu od 29.06.2017. godine.

Odgovor 1.: Urbanističko-građevinski inspektor je upoznat sa realizacijom projekta na navedenoj lokaciji, izlazio je na teren i kontrolisao gradilišnu dokumentaciju.

Odgovor 2.: Pisanih zaključaka nije bilo, ali su sudionici sastanka podržali usmeni prijedlog da Urbanističko-građevinski inspektor izađe na teren i zajedno sa predstavnicima BH Telekomu i izvođača radova dogovore otklanjanje uočenih nedostataka.

Odgovor 3.: Urbanističko-građevinski inspektor je dogovorio sa predstavnicima BH Telekomu i izvođača radova, a uz prisustvo Predsjednika Savjeta MZ: Lješevo, Ljubnići, Podlugovi i Mrakovo, terenski obilazak lokacija gdje su uočeni nedostaci.

DAMIR FILIPOVIĆ – vijećnik SDP-a

Inicijativa: "Upućujem inicijativu da se od Spomen česme pa do Doca, prema Sovrlama izvrši rekonstrukcija puta".

Odgovor: Planirano je da se uradi rekonstrukcija puta "Sovrle od česme pored "Arhaza" u dužini 700m". Provedena je tenderska procedura odabira izvođača radova i u toku je izvođenje radova koje izvodi odabrani izvođač "Geoput"d.o.o. Maglaj. Stručni nadzor vrši "Pronasa"d.o.o. Sarajevo.

Napomena: U prilogu je odgovor iz Ministarstva saobraćaja Kantona Sarajevo na inicijativu vijećnika Almira Špiodića i odgovor iz Direkcije za puteve Kantona Sarajevo na inicijativu vijećnika Semira Dizdarevića i Anela Bumbulovića.

Služba za saobraćaj,  
stambeno-komunalne poslove  
i građenje